




U FOKUSU

Prvi sastanak Vijeća za stabilizaciju i pridruživanje između Bosne i Hercegovine i EU



Prvi sastanak Vijeća za stabilizaciju i pridruživanje (u nastavku teksta Vijeće) između Bosne i Hercegovine i Evropske unije održan je 11. 12. 2015. Sastankom je predsjedavala Federica Mogherini, visoka predstavnica Unije za vanjske poslove i sigurnosnu politiku i potpredsjednica Evropske komisije, u svojstvu predsjedavajućeg Vijeća za vanjske poslove. [Više...](#)



EU Program za oporavak od poplava izradio prvu studiju o riziku od poplava i klizišta za stambeni sektor u Bosni i Hercegovini

Ovo je prva procjena rizika od višestrukih opasnosti izrađena u zemlji koja pruža informacije svim nivoima vlasti i daje im mogućnost da razviju dalje politike za smanjenje rizika od katastrofa te donose odluke. Studija zaključuje da je usklađivanje zakona i provođenje konkretnih mjera neophodno za sprečavanje budućih poplava i klizišta.



EU pomaže izmjene Zakona o zabrani diskriminacije u BiH

Konferencija o Zakonu o zabrani diskriminacije u BiH održana je u Sarajevu 15. decembra 2015. godine. Cilj konferencije bio je predstavljanje analize nedostataka i izrada preporuka u okviru tehničke podrške procesu reforme. Konferencija je organizovana u okviru ugovora koji finansira EU iz Instrumenta pretprijetne pomoći, a provode ga eksperti B&S Europe.

EU PROJEKTI



Evropska unija osigurala stambene jedinice za 149 ugroženih romskih porodica

Ovaj projekt je podržao socioekonomsko uključivanje Roma u BiH, kroz stambene i socioekonomske mjere sa proaktivnim sudjelovanjem i finansijskom podrškom lokalnih vlasti. Ukupno je kroz ovaj projekt sagrađeno ili obnovljeno 149 stambenih jedinica za ugrožene romske porodice u 14 gradova i općina širom BiH.



EU obezbijedila novu opremu Centru za socijalni rad u Šamcu

Centar za socijalni rad u Šamcu, koji je potpuno uništen u poplavama 2014. godine, dobio je 8.12. novu opremu i namještaj putem projekta "Jačanje lokalne demokratije/demokracije LOD IV" kojeg finansira Evropska unija.

Novosti iz EU info centra



Izložba umjetničkih studentskih radova i panel diskusija o kulturnom i prirodnom naslijeđu održane u Trebinju

EU info centar u BiH u saradnji sa Akademijom likovnih umjetnosti iz Trebinja je 26. novembra organizovao izložbu umjetničkih radova studenata na temu kulturnog i prirodnog naslijeđa. Nakon otvaranja izložbe posjetioci su imali priliku učestvovati u panel diskusiji o EU programima u oblasti kulturnog i prirodnog naslijeđa.



Izložba umjetničkih studentskih radova i panel diskusija o vodi i okolišu održane u Banjoj Luci

EU info centar u BiH je u saradnji sa Akademijom umjetnosti Univerziteta u Banjoj Luci 3. decembra organizovao izložbu umjetničkih radova studenata na temu vode i okoliša. Nakon otvaranja izložbe, posjetioci su imali priliku učestvovati u panel diskusiji o EU programima u oblasti vode i okoliša.

EU VIJESTI

#EU4HumanRights

Consistency in all our policies

"Our credibility abroad as a champion of Human Rights depends on what we do here at home. If we don't guarantee the highest standards of Human Rights in Europe, our voice will not be heard"

ACTION PLAN ON HUMAN RIGHTS AND DEMOCRACY 2015-2019



Izjava visoke predstavnice Federice Mogherini u ime EU povodom Međunarodnog dana ljudskih prava, 10. decembra

Na Međunarodni dan ljudskih prava ove godine počinje i jednogodišnje obilježavanje 50 godina od usvajanja Međunarodnog pakta o građanskim i političkim pravima i Međunarodnog pakta o ekonomskim, socijalnim i kulturnim pravima, koji su potpisani 1966.



Istorijski dogovor o klimi u Parizu: EU predvodi globalne napore

Ovaj sporazum je rezultat višegodišnjih napora međunarodne zajednice na usvajanje univerzalnog multilateralnog sporazuma o klimatskim promjenama. Nakon Protokola iz Kjota koji nije usvojio dovoljan broj zemalja i neusvajanja sporazuma u Kopenhagenu 2009, EU je gradila široku koaliciju razvijenih i zemalja u razvoju kako bi ostvarila pozitivne rezultate na konferenciji u Parizu.

Delegacija Evropske unije u Bosni i Hercegovini, Skenderija 3a, 71000 Sarajevo, Bosna i Hercegovina

Tel: 00387 33 254 700, Fax: 00387 33 666 037

Websajt: europa.ba, Facebook: [facebook.com/europa.ba](https://www.facebook.com/europa.ba), Twitter: twitter.com/eubih, Youtube: [youtube.com/eubih](https://www.youtube.com/eubih),

Email: delegation-bih@eeas.europa.eu

Za povratne informacije i komentare o Newsletter-u, molimo Vas kontaktirajte Zoru Stanić iz Tima za komunikacije putem e-maila: zora.stanic@eeas.europa.eu

Da biste vidjeli newsletter na Engleskom jeziku, [kliknite ovdje](#).